



BUYUK O‘ZBEK YO‘LI

YANGI O‘ZBEKISTON RUHI

dunyoni tinchlik va taraqqiyot sari
birlashishga da‘vat etmoqda

Keyingi yillarda dunyoni kutilmagan tahdidlar, ziddiyatli munosabatlar, ekologik oqibatlar, geosiyosiy qarama-qarshiliklar va o‘zaro ishonchsizlik inqirozi tashvishga solmoqda. Bunday murakkab davrda milliy davlatchilik, hududiy va mintaqaviy xavfsizlik masalalari ham tobora jiddiylashib boraveradi. Shu ma‘noda, bugun davlatlar va siyosiy yetakchilar o‘rtasidagi o‘zaro munosabatlarda anglashinuv, bag‘rikenglik, hamjihatlik va ishonch muhitining qaror topishi naqadar zarurligi kunday ayon.

Shunday bir qaltis vaziyatda O‘zbekiston bugun o‘z bag‘riga taraqqiy-parvar mamlakatlarni chorlayotgan xalqaro muloqot maydoniga aylandi, davlatimiz rahbari nafaqat mintaqa, balki dunyo xalqlarini o‘ylantirayotgan o‘tkir muammolarni dadil ko‘tarib, ularning oqilona yechimlari xususida ilg‘or tashabbuslarni ilgari surayotgan faol yetakchilardan biri sifatida namoyon bo‘lmoqda. So‘nggi yillarda ko‘plab nufuzli, istiqbolli tuzilmalar, jumladan, SHHT, TDT, IHT, MDH davlat rahbarlari yig‘inlari hamda BMT doirasidagi tashkilotlar sammitlari yurtimizda muvaffaqiyatli o‘tayotgani xalqaro maydonda ham e‘tirof etilmoqda.

O‘tgan haftada Toshkent yana bir nufuzli tuzilma — Iqtisodiy hamkorlik tashkilotining 16-sammitiga mezbonlik qildi. Prezidentimiz raisligida “Hamkorlikda iqtisodiy barqarorlik va taraqqiyot sari” shiori ostida bo‘lib o‘tgan sammitda tash-

kilonga a‘zo davlatlar rahbarlari bildirgan fikrlar, ilgari surilgan takliflarda o‘ziga xos yakdillikni kuzatish mumkin. Bu, albatta, kun tartibidagi masalalar ishtirokchi mamlakatlar uchun birdek dolzarb ekanini anglatadi.

Jumladan, Shavkat Mirziyoyev a‘zo davlatlar o‘rtasidagi har tomonlama hamkorlikni kengaytirish uchun hali ishga solinmagan katta imkoniyatlar, salohiyat mavjudligini ta‘kidladi. Mazkur tuzilmaga a‘zo mamlakatlar o‘rtasidagi savdo ko‘rsatkichi 85 milliard dollar bo‘lib, bu ular umumiy tashqi savdosining atigi 8 foizini tashkil etayotganiga urg‘u berildi. Imtiyozli savdo bitimini tuzish bo‘yicha ko‘p yillik urinishlar kutilgan samarani bermayotgani, to‘siqsiz savdoni shakllantirish yo‘lida hali-hamon ko‘plab cheklov va muammolar saqlanib qolayotgani aytib o‘tiladi.

Davomi 2-betda



SHARH

IHTning
TRANSPORT-LOGISTIKA
SALOHİYATIUNDAN SAMARALI
FOYDALANISH XALQARO
RAQOBATBARDOSHLIKNI OSHIRADI

“Tarixi, dini, urf-odat va an‘analari yaqin bo‘lgan birodar xalqlarimiz azaldan savdo-sotiq aloqalari va madaniy rishtalar bilan chambarchas bog‘langan. Iqtisodiy hamkorlik tashkiloti o‘tgan davr mobaynida ulkan iqtisodiy salohiyatga ega yirik mintaqaviy tuzilmaga aylandi”.

Davlatimiz rahbari bundan ikki yil oldin IHTning Turkmanistonda bo‘lib o‘tgan sammitida tuzilma faoliyatiga shunday yuqori baho bergan edi. Chunki ayni kunda tashkilotga a‘zo davlatlar aholisi soni yarim milliarddan ortiq, YIM hajmi esa qariyb 2 trilyon dollarni tashkil etadi.

Iqtisodiy hamkorlik tashkiloti davlat rahbarlarining O‘zbekiston mezbonligida 8-9-noyabr kunlari bo‘lib o‘tgan 16-sammitida ham ko‘p qirrali hamkorlik istiqbollari, xalqaro va mintaqaviy ahamiyatga molik dolzarb masalalar muhokama qilindi.

Global inqirozga qaramay, IHT a‘zo davlatlar iqtisodiyotlari barqaror o‘shish sur‘atlarini namoyon etayotgani ta‘kidlandi. O‘zbekistonda so‘nggi olti yilda yalpi ichki mahsulot hajmi 1,5 barobar ko‘paydi. 2030-yilga qadar ushbu iqtisodiy ko‘rsatkichni yana ikki barobar oshirish rejalashtirilayapti. Bunga, avvalo, “yashil” iqtisodiyot va zamonaviy infratuzilmani barpo etish, xususiy sektorni rag‘batlantirish va yangi ish o‘rinlari yaratish, xorijiy investitsiyalarni faol jalb etish hisobidan erishish ko‘zda tutilmoqda.

Davomi 4-betda

INSON HUQUQLARI UMUMJAHON
DEKLARATSİYASINING 75 YILLIGIGAFAROVONLIK VA
YUKSALISH ASOSI

Inson huquqlari umumjahon deklaratsiyasi insonning shaxsiy va siyosiy, iqtisodiy, ijtimoiy va madaniy huquq hamda erkinliklari ko‘lamini o‘zida to‘la mujassam etgan dastlabki xalqaro huquqiy hujjat hisoblanadi. 30 moddadan iborat ushbu hujjatda alohida madaniyat, millat va mintaqalar bilan cheklanmagan universal qadriyatlar mustahkamlangan.

BMT Bosh Assambleyasining rezolyutsiyasiga muvofiq, 1948-yil 10-dekabrda ushbu hujjatning qabul qilinishi xalqaro munosabatlar rivojida muhim tarixiy bosqich bo‘ldi. Shu ma‘noda, 1950-yilda BMT

tomonidan 10-dekabrni Xalqaro inson huquqlari kuni sifatida keng nishonlash belgilangan. U hozirgi kunda 535 dan ortiq tilga tarjima qilingan.

Davomi 2-betda



JARAYON

BIOTEXNOLOGIYA RIVOJI
gen muhandisligidan dorivor
o‘simliklar materialigacha

O‘zbekiston Fanlar akademiyasining 80 yilligini nishonlash arafasidamiz. O‘zbek ilm-fan tadqiqotlari va rivoji yo‘lidagi bu muddatda Fanlar akademiyasi turli evrilishlarni boshdan kechirdi. O‘tgan vaqtda ilm-fanda erishilgan yutuqlarda ko‘plab ilmiy-tadqiqot institutlari qatori Genomika va bioinformatika markazining ham alohida o‘rni bor.

Biotexnologiya bugun dunyodagi eng tez rivojlanayotgan yo‘nalishlardan biridir. Davlatimiz rahbarining 2020-yil 25-noyabrda “Biotexnologiyalarni rivojlantirish va mamlakatning biologik xavfsizligini ta‘minlash tizimini takomillashtirish bo‘yicha kompleks chora-tadbirlar to‘g‘risida”gi qarori soha rivojida yangi davrni boshlab berdi. O‘zbekistonda biotexnologiya va

gen muhandisligi qishloq xo‘jaligi ekinlarining yangi navlarini yaratishda asosiy vositaga aylandi. Bugungi kunda g‘ozaning “Porloq”, “Ravnaq”, “Baraka”, “Tafakkur”, “Saxovat” kabi qator navlarini yetishtirish yo‘lga qo‘yilgan. Ularning har biri o‘ziga xos xususiyatga ega.

Davomi 5-betda

NAVOIY KON-METALLURGIYA KOMBINATIGA 65 YIL

FIDOYILIK
VA JASORAT TARIXI

Navoiy kon-metallurgiya kombinati jahondagi oltin ishlab chiqaruvchi eng yirik kompaniyalardan biri. Bunday maqom va nufuzga sohaga qaratilayotgan katta e‘tibor, yaratilayotgan imkoniyatlar hamda korxonada faoliyat yuritayotgan malakali muhandis va tajribali mutaxassislarining fidokorona mehnati tufayli erishilmoqda. Buning natijasida Qizilqum sahrosida rivojlangan ishlab chiqarish, transport va ijtimoiy infratuzilmani o‘zida mujassam etgan zamonaviy kon-metallurgiya majmuasi vujudga keldi. Ayni kunlarda korxonada tashkil etilganligini 65 yilligi keng nishonlanmoqda.

Davomi 3-betda



TA‘LIM

“FAN BOG‘INING BOG‘BONISIZ,
CHAROG‘BONSIZ KO‘NGILGA”

Shahrisabz davlat pedagogika instituti faoliyat boshlaganiga ham to‘rt yildan oshdi. Mazkur oliygoh 2019-yil sentabr oyidan filial sifatida ish boshlagan edi. Ilk o‘quv yilidan maktabgacha ta‘lim, boshlang‘ich ta‘lim va sport tarbiyaviy ishlari, xorijiy tillar, ona tili va adabiyoti, rus tili va adabiyoti kabi yo‘nalishlarda talabalar qabul qilinib, dars jarayonlari boshlab yuborilgandi.

Davomi 5-betda

